

巫山縣志卷四

城池志

巫山僻處蜀東非大都會也既襟山帶河以自雄似無庸城郭溝池以爲固然觀重門擊柝以待暴客易取諸豫有思患豫防之義巫山雖蕞爾區亦有社稷民人之寄而必爲築城鑿池者所以重守土而慎衛民也况巫山爲全蜀咽喉亦爲夔門扃鍵金湯之固烏可少哉志
城池

巫山縣漢隸南郡吳孫休分爲建平郡緣山爲墉周十

巫山縣志

卷四

城池

里一百一十步東西北三面皆帶旁溪深谷南面岷江環之明正德二年知縣唐書正其方位東帶甯河南瞰大江西倚高唐觀北包陽臺山築修石城爲門四曰叢秀巫山會仙陽臺嘉靖二十九年大水城塌萬曆元年知縣趙時鳳重修周圍七百五十七丈高一丈八尺墀口三百六十高五尺後知縣張維任因縣多火災更四門之名以鎮之東曰永清南曰臨江西曰廣濟北曰鎮源後毀於兵燹

國朝乾隆三十二年知縣朱裴然奉文動帑重修共計七百

十六丈石砌磚封更四門之名東曰太清南曰平江西曰盛源北曰世潤報銷銀一萬二千五百五十九兩四錢二分七釐咸豐十年被水淹沒殿裂報勘勸捐修葺完竣嗣於同治九年河水泛漲淹塌二十處城身女牆一百二十六丈當經知縣李詠稟報有案光緒十四年知縣和闈稟請就地勸捐培修完竣

大昌歸併巫山縣

大昌城明成化七年知縣魏璉修宏治三年通判戴琚正德二年知縣董忠陸續增修爲門三日朝陽永豐通

巫山縣志

卷四

城池

二

濟嘉靖二十六年知縣吳大章重修崇禎八年知縣陳靖之增高其城深濬其池以禦寇明末袁宗第竊據爲寇寇平城遂廢

國初設大昌縣築土城康熙九年裁大昌縣歸併巫山縣嘉慶九年平定白蓮教匪參贊德楞泰以地當要隘會同經畧額勒登保總督勒保奏設守備營伍署縣張椿請項修築土堡三百丈以資捍衛設東南二城門西北兩炮臺道光元年被水冲塌數十丈門樓炮臺陸續倒坍四年知縣楊佩芝捐廉補修完固現在歷年水淹

城半傾圮

邑令朱斐然西井記曰巫邑雖濱大江而高居山阜民之取汲悉資山泉舊兩井一在城外東郭曰東井一在城內陽臺之麓曰西井皆引泉鑿流以資民用西井泉出北城外里許牛蹠窩其源實出三十里外之鴉雀山陂石砌規暗流直達城中民皆賴焉

邑候選教諭史士銓東井記曰邑有井二一曰東井一曰西井西井則自北山引引入北門以便民汲東井則泉自石隙湧出在於東郭外仁泉寺傍源源不竭冬溫

巫山縣志

卷四

城池

三

夏涼勝於西井雖夔東各處未有如此水之甘冽者崇文寶塔縣北廢大昌縣東南隅帽盒山頂距大昌二十里光緒十八年建